

Regulamentu atu rejistu órgaun Komunikasaun Sosiál sira

Kapítulu I Regra Jerál sira ba Rejistu

Artigu 1.º Rejistu

1- Kompete ba Konsellu Imprensa atu asegura iha rejistu ida spesífiku tuir artigu 44 Lei no. 5/2014 husi lora 19 fulan Novembru ne'ebé inklui órgaun komunikaun sosiál nasonál no husi rai liur sira hotu, ne'ebé hala'o distribuissau (fahe informasaun) iha territóriu nasonál.

2 – Rejistu ne'e obrigatóriu no nia finalidade atu komprova (hatudu lolós) natureza jurídika husi órgaun no meiu komunikaun sosiál sira, promove transparénsia kona-ba sira nia propriedade no promove protesau legál ba título husi publikasaun periódika sira, naran husi operadór rádiu no televizaun sira nian.

DRAFT

Artigu 2.º Definisaun sira

Atu bele hala'o diploma ida ne'e, bele dehan katak, aleinde definisaun sira ne'ebé iha ona no mai husi Lei n.º 5/2014 husi lora 19 fulan Novembru, katak :

“Atividade Rádio nian” katak atividade ne'ebé hala'o husi ema lubun atu organiza no fó nafatin servisu programa radiodifuzau atu fó sai ba públiku;

“Atividade Televizaun nian” katak atividade atu organiza, halo selesau no agregasaun servisu sira programa televizaun nian atu fó sai ba públiku.

"Kódigu Étika" katak Kódigu Étika ida ba atividade jornalística sira, ne'ebé aprova husi Regulament n.º ___/___;

“Empreza jornalística” katak ema ida husi grupu ida ne'ebé nia atividade inklui edisaun/pencetakan ka publikasaun jornal, revista, sítiu internet, ka publikasaun periódika sira seluk.

“Operadór Rádio” katak ema ida husi grupu ida ne’ebé iha abilitasaun tuir lei atu hala’o atividade radiodifuzoan, responsável ba organiza servisu programa sira rádiu nian;

“Operadór Televizaun” ema ida husi grupu ida ne’ebé iha abilitasaun tuir lei atu halao atividade televizaun nian, responsável atu organiza servisu husi programa sira televizaun nian.

"Organizasaun Komunikaun Sosiál" katak ema ida husi grupu ida ne’ebé forma hanesan asosiasaun, ne’ebé halibur hamutuk órgaun komunikaun sosiál sira.

"Organizasaun Jornalista sira nian" katak ema ida husi grupu ida ne’ebé forma hanesan asosiasaun, ne’ebé halibur hamutuk profesionál sira husi komunikaun sosiál nian, ho objetivu hanesan organizaun sindikatu sira nian.

DRAFT

Artigu 3.º Matéria

1 - Órgaun no meu komunikaun sosiál hotu ne’ebé kualifikável hanesan haktuir iha Lei n.º5/2014 husi lora 19 fulan Novembru tenki rejistu hotu, hanesan :

- a) Ema ida-idak ka grupu ne’ebé edita (mencetak) publikasaun periódika, la haree ba meu fahe nian, inklui mos liu husi dalan eletrónika no internet;
- b) Empresas noticiosas ou jornalísticas Kompañia/empreza jornalística ka ne’ebé fó notísia;
- c) Operadór sira rádiu no televizaun nian ne’ebé fó servisu rádio ka televizaun, iha sira nia responsabilidade editoriál, liu husi dalan saida deit, inklui eletrónika;
- d) Ema ida-idak ka grupu ne’ebé fó sai regularmente ba públiku, liu husi rede komunikaun eletrónika, konteúdu sira ne’ebé hetan tratamentu editoriál no organiza hanesan buat tomak ida ne’ebé koerente.

2 - Organizasaun sira Jornalista nian no Organizasaun sira Komunikaun Sosiál nian bele mos rejistu ho título voluntáriu.

Artigu 4.º Lalaok Rejistu nian

1 – Konselhu Imprensa hakerek registu sira iha surtahan (la'os online), bazeia ba elementu sira ne'ebé ema sira iha interese hato'o/hatama.

2 – Wainhira dokumentu sira ne'ebé hatama iha lian seluk, sira tenki akompaña ho tradusaun iha lian ofisiál ida Repúblika Demokrática Timor-Leste nian.

3 –Rejistu iha informasaun kona-ba :

- a) Ema ne'ebé responsável ba rejistu no nia assinatura;
- b) Númeru orden no data hatama;

4 –Kansela rejistu sei halo liu husi anotasaun .

Artigu 5.º

Orden no prazu husi rejistu sira

1 –Lala'ok sira no rejistu só bele hakerek wainhira ema ne'ebé iha interese hatama dokumentu hotu ne'ebé prezisa.

2 – Rejistu sira tenki halao tuir nia data no orden hatama nian.

3 –Rejistu ne'ebé hala'o "ho rezerva" ka ho natureza provizória foin konsidera katak halo ona wainhira muda ba rejistu lolós.

4 –Ba data ne'ebé bele hare'e hanesan data rejistu mak data wainhira pedidu ne'e simu ona.

Artigu 6.º

Inisiativa rejistu nian

Inisiativa ba rejistu mai husi ema ne'ebé iha interese.

Artigu 7.º

Lejitimidade ba rejistu

1 – Rejistu fofoun sira no dokumentu hotu ne'ebé hatama ikus hodi haforsa sei husu husi entidade ne'ebé atu promove edisaun (pencetakan) publikasaun periódika sira ka dokumentu balu ne'ebé hatama ba tratamentu editoriál (liu husi editór atu hare'e), atividade hirak ne'ebé atu dezenvolve atividade empreza notísia ninian, husi entidade ne'ebé hakarak habelar servisu

programa sira ne'ebé eskuzivu liu husi internet, husi operadór rádio sira, operadór televizaun sira, operadór ba distribuisaun no membru representante husi Organizaun Komunikaun Sosiál no Organizaun Jornalista sira.

2 – Autoridade administrativa ka judisiál ne'ebé deit mak aplika sansaun suspensaun ka remata atividade entidade ida ne'ebé rejistu ona tenki hato'o hahalok ida ne'e ba Konsellu Imprensa.

Artigu 8.º **Rejistu oi-oin**

1 - Wainhira rejistu ne'e ema la simu tamba instrusaun la to'o, wainhira hadia tia, ema ne'ebé iha interese bele hato'o fali pedidu foun.

2 –. Ema se deit mak iha interese bele halo rejistu barak.

Artigu 9.º **Alterasaun ne'ebé halo ikus**

1 - Alterasaun ne'ebé halo ikus kona-ba buat hirak ne'ebé iha rejistu laran tenki husu iha loron 30 nia laran hahú husi data halo verifikasaun.

2 –Sai nudar alterasaun ne'ebé halo ikus wainhira iha faktu hirak tuir mai ne'e:

- a) Titulár ka detentór (ema ne'ebé nain) ba kapitál sosiál ka direitu ba vota ho 5% halo akizisaun ka hetan liu tan 50%;
- b) Entidade ruma ne'ebé halo parte husi kadeia (tutan/kait malu) ida ne'ebé ho 5%, halo akizisaun ka hetan liu entre 5% to'o 50% husi kapitál sosiál ka husi direitu ba votu ;
- c) Titulár ka nain ida hamenus nia partisipaun ba valór ida ki'ik liu persentajen ne'ebé temi ona iha alinea sira iha leten.
- d) Mudansa iha domínio (kepemilikan) husi entidade sira ne'ebé hala'o atividade komunikaun sosiál;
- e) Mudansa iha kompozisaun husi órgaun administrasaun no jestaun ka estrutura ho responsabilidade ba orientasaun no supervizaun konteúdu hirak ne'ebé fó sai;
- f) Mudansa iha partisipasaun sosiál husi titulár ka nain husi entidade sira ne'ebé hala'o atividade komunikaun sira, ba ema ida-idak husi

grupu sira ne'ebé iha partisipasaun, direta ka indireta, iha órgaun komunikasaun sosiál seluk.

g) Hapara atividade;

2 – Rekizitu sira temi iha número ida leten sei aplika, ho adaptasaun ne'ebé presiza, ba ema iha grupu laos sociedade ne'ebé halao atividade komunikasaun sosiál, hanesan asosiasaun sira, cooperativa ka fundasaun sira.

3 – Ema ne'ebé hala'o diretamente atividade komunikasaun sira ka sai titulár ka nain ba partisipasaun iha kapitál sosiál entidade sira ne'ebé refere iha artigu 2.º, sei kona mos número 1 husi artigu ida ne,e ho adaptasaun ne'ebé presiza.

Artigu 10.º **Livru Rejistu**

Konsellu Imprensa iha livru rejistu ida deit, ne'ebé tau data no oras simu pedidu rejistu, data no oras despaxu ba pedidu nian, no informasaun kona-ba rejistu ida-idak nian.

Artigu 11.º **Emolumentu sira**

1 - Rejistu ne'e la selu emolumentu.

2 –Sai responsabilidade ema ne'ebé iha interese atu selu despeza hotu ne'ebé presiza atu publika rejistu iha Jornál Ofisiál.

Artigu 12.º **Publicidade**

Asesu no konsulta kona-ba rejistu ne'e ba públiku no la selu.

Artigu 13.º **Halao Atividade**

1 - Rejistu la fó direitu atu halao atividade.

2 – Ema sira ne'ebé iha interese, ho esepisaun ba Organizasaun Jornalista sira no Organizasaun Komunikaun Sosiál sira, la bele hahú halao atividade sein halo uluk rejistu ne'e.

3 –Entidade hirak ne'ebé halo ona atividade wainhira diploma ida ne'e hahú halao, iha fulan neen atu halo rejistu.

Kapítulu II

Rejistu publikasaun periódika sira no empreza jornalístika sira

Artigu 14.º

Publikasaun periódika sira ne'ebé la inklui atu halo rejistu

Publikasaun periódika hirak tuir mai ne'e la inklui atu halo rejistu:

- a) Sira ne'ebé la tau ba dispozisaun públiku nian;
- b) Jornal da República;
- c) Suplementu ba periódiku sira ne'ebé wainhira publika no fahe hamutuk ho sira ne'e no grátis;
- d). Sira ne'ebé pertense ka edita (cetak) husi representasaun diplomátika, kulturál no komersiál rai seluk sira nian.

Artigu 15.º

Prezunsaun ba uza título

Direitu ba uza título prezumi katak pertense ba ema ne'ebé nia naran tau iha rejistu.

Artigu 16.º

Rejistu provizória no lolós

1 –Rejistu sira bele provizória ka lolós

2 –Rejistu ne'e provizória deit, sei muda ba lolós liu husi dalan hatama ba Konsellu Imprensa, exemplár/kópia ida uluk ne'ebé fó sai hafoin rejistu, iha tempu la liu loron 120 sura husi data notifikasaun despaxu deferimentu ba pedidu fofoun.

3 – Rejistu ba publikasaun sei la muda ba lolós wainhira publikasaun ne'ebé temi iha número ida leten la halo tuir, momós, projetu ne'ebé hato'o husi artigu 18, alínea a).

4 – Rejistu provizóriu mate se la muda ba lolós wainhira nia tempu remata hanesan temi iha n.º 2

Artigu 17.º **Rejistu ho rezerva**

1 – Rejistu sira ne'ebé sira nia rekerimentu la kompletu maibe'e bele troka ho dokumentu seluk tuir termu artigu 32.º husi Dekretu-Lei n.º 32/2008 husi loron 27 fulan Agostu.

2 –Wainhira situasaun rezerva ne'e sei dada naruk no to'o rejeisaun ba pedidu rejistu, ema ne'ebé iha interese iha direitu atu hetan protesaun ba título (hanesan nain) tuir termu artigu 15.º Regulamentu ida ne'e nian.

DRAFT

Artigu 18.º **Elementu sira rejistu nian**

1 –Sai nu'udar elementu ba rejistu publikasaun periódika sira:

- a) Título, período no sede redasaun nian;
- b) Lian publikasaun nian;
- c) Naran Diretór dezinadu no Diretór Adjuntu se karik iha;
- d) Naran husi entidade ne'ebé sai nain no lei ne'ebé fó kbi'it ba nia se karik nia ema ida husi grupu ruma;
- e) Hela fatin ka sede rekerente nian;
- f) Naran, nacionalidade no sede editór nian, no mos, se ida ne'e duni mak lo'os, hatudu ema ne'ebé sai nu'udar representante permanente iha Timor-Leste.

2 –Sai nu'udar elementu ba rejistu husi empreza jornalística sira:

- a) Denominação da empresa e forma jurídica de sociedade comercial que utiliza Naran empreza nian no forma jurídica husi sociedade komersiál ne'ebé uza/ oinsa nia halao nia atividade komersial tuir lei ne'ebé;
- b) Sede;
- c) Kapital sosiál no relasaun lolos husi nia titulár sira, ho temi lolos persentajen sira nia partisipasaun sosiál;

- d) Halo identifíkasaun no hare'e lolos ba entidade sira hotu ne'ebé tutan malu ne'ebé tenki tama ho mínimu 5%;
- e) Hatudu partisipasaun sosiál husi titulár sira ne'ebé husi grupu ruma ne'ebé iha partisipasaun, direta ka indireta, iha órgaun komunikasaun sosiál sira seluk;
- d) Halo identifíkasaun ba titulár husi órgaun sosiál sira;

Artigu 19.º

Saida mak prezisa ba rekerimentu Rejistu nian

1 –Rekerimentu ba rejistu publikasaun periódika sira tenki iha elementu hotu temi iha n.º1 husi artigu ida leten, akompaña ho dokumentu hirak tuir mai ne'e:

- a) Rezumu projetu editoriál ne'ebé hakarak, ho tema publikasaun nian, hare'e mos pájina hira, fahe ba área ne'ebé deit, kópia hira mak atu halo, no tau mos projetu estatutu editoriál karik ne'e ba publikasaun periódika informativa sira;
- b) Ezemplár ida, ho nia bo'ot hanesan bai-bain, husi logotipu títulu publikasaun nian, hare'e nia hanesan tomak ida ne'ebé iha ilas no hakerek, inklui tipu letra ne'ebé uza, no husi kor ka kombinasau kor hirak ne'ebé hili;;
- c) Deklarasaun simu kargu husi diretór;
- d) Prienxe ona formuláriu Konsellu Imprensa nian;

2 –Rekerimentu ba rejistu empreza jornalística sira tenki iha elementu sira ne'ebé temi iha n.º2 husi artigu iha leten, akompaña ho dokumentu sira tuir mai ne'e:

- a) Kópia sertidaun rejistu negósium no estatutu sira, se karik ne'e husi grupu ne'ebé la'os sociedade anónima;
- b) Relasaun naran husi ema sira iha asaun no total asaun ne'ebé sira iha, nu ne'e mos sira nia partisipasaun, wainhira nia sociedade anónima ;

Artigu 20.º

La simu rejistu

Rejistu sei la simu wainhira:

- a) Rejistu ne'ebé atu halo iha ona ka la prezisa atu rejistu;
- b) Títulu husi publikasaun periódika ne'ebé atu halo rejistu tia ona iha ema seluk nia naran, ka bele fásil atu konfundi, tamba hakerek, ilas, lian ka liafuan ne'ebé atu hanesan ho ida ne'ebé rejistu ona;

- c) Títulu ne'e halo referénsia ba períodu ida ne'ebé la tuir ho ida ne'ebé propoin ;
- d) Rekerente laiha lejitimidade;
- e) Hahalok ne'e bele hamate;

Artigu 21.º
Asosiasaun títulu sira

Iha dalan ba asosiasaun títulu sira husi ema ida deit naran katak wainhira halo publikasaun la sees husi ninia espesialidade.

Artigu 22.º
Edisaun/pencetakan no hapara provizóriu publikasaun

1- Publikasaun periódika sira tenki halao tuir sira nia períodu tuir sira nia rejistu;

2 –Hapara provizóriu edisaun/pencetakan publikasaun periódika sira labele liu tempu hirak tuir mai ne'e:

- a) Publikasaun lor-loron – To'o fulan tolu tinan ida-ida;
- b) Publikasaun fulan nian ka la to'o fulan –To'o fulan nein tinan ida;
- c) Publikasaun fulan tol-tolu ka la to'o, maibe'e liu fulan-fulan–To'o tinan ida ho balu;
- d) Publikasaun ho períodu fulan neen-neen ka menus maibe'e bo'ot liu fulan tolu-tolu –To'o tinan rua;
- e) Publikasaun ho períodu to'o tinan ida ka menus, maibe'e bo'ot liu fulan neen-neen -To'o tinan tolu;

3 –Hapara provizóriu no hahú fila fali edisaun/pencetakan publikasaun periódika sira sei hato'o ba Konsellu Imprensa no sei arkiva.

Artigu 23.º
Kansalamentu la ofisiál publikasaun periódika no empreza jornalístika sira nian

1- Rejistu husi publikasaun periódika sira nian sei kansela la ofisialmente husi Konsellu Imprensa wainhira la halo tuir períodu ne'ebé temi ona iha número iha leten ;

2 –Rejistu empreza jornalístika sira nian sei kansela la ofisialmente wainhira publikasaun periódika sira la halao ona tuir títulu ne'ebé rejistu ona.

Kapítulu III
Rejistu ajénsia notisioza sira nian

Artigu 24.º
Elementu sira rejistu nian

Buat hirak sira tuir mai ne'e mak sai nu'udar elementu sira rejistu nian ba ajénsia notisioza sira:

- a) Naran husi entidade ne'ebé sai nain no lei ne'ebé fó kbi'it ba nia;
- b) Sigla (naran inisiál) ne'ebé uza;
- c) Hela fatin ka sede husi entidade ne'ebé nain;
- d) Kapitál sosiál no relasaun lolós husi nia titulár sira;
- e) Identifikasaun titulár órgaun sosiál sira nian;
- f) Naran diretór informasaun nian.

Artigu 25.º
Rekizitu sira ba rekerimentu

Rekerimentu ba rejistu husi ajénsia notisioza sira tenki iha elementu sira temi iha artigu iha leten, hamutuk ho dokumentu hirak tuir mai ne'e:

- a) Fotokópia dokumentu identifikasaun rekerente nian;
- b) Sertidaun Rejistu Negósiu nian;
- c) Lista naran asionista sira nian wainhira mai husi sosiedade anónima liu husi dalan hatudu total asaun ne'ebé asionista ida-idak iha;
- d) Prienxe ona formuláriu Konsellu Imprensa nian;

Artigu 26.º
La simu rejistu

Rejistu sei la simu wainhira:

- a) Rejistu ne'ebé atu halo iha ona ka la presiza rejistu;
- b) Sigla (inisiál) ne'ebé hakarak rejistu nanis ona ho ema seluk nia naran, ka bele fásil atu konfundi ho sigla (inisiál) seluk ne'ebé rejistu ona;
- d) Rekerente laiha lejitimidade;
- e) Hahalok ne'e bele hamate;

Kapítulu IV
Rejistu Operadór Rádiu no Televizaun sira nian

Artigu 27.º
Elementu sira Rejistu nian

1 - Sai nu'udar elementu sira ba rejistu operadór rádiu no sira nia servisu ba programa sira:

- a) Identifikasaun no sede operadór nian;
- b) Naran servisu programa sira nian;
- c) Kapitál sosiál no relasaun lolos husi nia titulár sira;
- d) Identifikasaun husi titulár órgaun sosiál sira nian;
- e) Identifikasaun responsável sira ba área programasaun no informasaun nian;
- f) Lokalizaun instalasaun estasaun emisora sira nian;
- g) Naran kanál programa nian;
- i) Klasifikasaun servisu programa sira nian kona-ba nia ámbitu kobertura no nia konteúdu programasaun nian;
- j) Data fó sai no prazu lisensa ka autorizasaun, nune'e mos nia renovasaun sira;
- l) Identifikasaun fatin husi ne'ebé halo emisaun.

2 - Sai nu'udar elementu sira ba rejistu operadór televizaun no sira nia servisu ba programa sira :

- a) Identifikasaun no sede operadór nian;
- b) Naran servisu programa sira nian ;
- c) Kapitál sosiál no relasaun lolos husi nia titulár sira ;
- d) Identifikasaun titulár órgaun sosiál sira nian;
- e) informação Identifikasaun responsável sira ba área programasaun no informasaun nian;
- g) Klasifikasaun servisu programa sira nian kona-ba nia ámbitu kobertura no nia konteúdu programasaun nian;
- h) Data hasai no prazu lisensa ka autorizasaun, nune'e mos data husi renovasaun sira nian.

Artigu 28.º
Prosedimentu Rejistu nian

1 –Rejistu iha Konsellu Imprensa tenki halao hafoin halao tia prosesu ba lisensiamentu ka autorizasaun refere.

2 –La iha prejuízu ba saida mak fó sai iha número iha leten, Konsellu Imprensa bele husu ba operadór rádio ka televizaun, elementu seluk tan atu halo sira nia rejistu no elementu sira ne'e tenki entrega iha prazu loron sanulu nia laran (loron servisu nian).

Artigu 29.º **Impedimentu sira ba Rejistu**

Rejistu ba operadór rádiu ka televizaun sei la halao husi Konsellu Imprensa wainhira naran atu hanesan ka labele konfundi ho ida seluk ne'ebé rejistu ona husi ema seluk.

Artigu 30.º **Kanselamentu La Ofisiál**

Rejistu sei kansela la oficialmente wainhira lisensa nia validade ka autorizasaun atu halo emisaun mate.

DRAFT

Kapítulu V **Rejistu ba Organizasaun Jornalista no Organizasaun Komunikasaun Sosiál sira nian**

Artigu 31.º **Rekizitu ba Rejistu**

1 - Hare'e hanesan organizasaun jornalista sira nian ne'ebé bele rejistu, sira ne'ebé, aleinde halo tuir rekizitu sira seluk ne'ebé iha nanis iha Dekretu-lei n.º 5/2005, tenki:

- a) Temi iha sira nia matéria sosiál, sira nia interese atu promove dezvoltamentu profisionál ba sira nia asosiadu sira iha área jornalismo;
- b) Ho sira nia sede iha (territóriu) Timor-Leste;
- c) Iha membru uitoan liu nain 10, jornalista sira ne'ebé hetan fiar lolos no fó an lolos ba atividade jornalística tempu tomak (permanente);
- d) Iha órgaun adminstrasaun ho membru uitoan liu mak nain 5;
- e) Iha nanis ona iha sira nia Estatutu sira órgaun internu ida atu supervizona hahalok kumpri tuir kódigu étika ba atividade jornalística sira ne'ebé aprova ona husi Regulamentu n.º ___/___

2 - Hare'e hanesan Organizaſaun Komunikaſaun Sosiál sira nian ne'ebé bele rejistu, sira ne'ebé, aleinde halo tuir rekizitu sira seluk ne'ebé iha nanis iha Dekretu-lei n.º 5/2005, tenki :

a) Temi iha sira nia matéria sosiál atu lori ba oin sira nia asoiadu sira nia interese atu halo diak liu tan no haburas jornalismo iha Timor-Leste;

b) Ho sira nia sede iha territóriu Timor-Leste nian;

c) Iha membru mínimu nain 10, ne'ebé bele representa, pelu menus, 10% husi Órgaun Komunikaſaun Sosiál sira ne'ebé rejistu iha Konsellu Imprensa ;

d) Iha órgaun adminstrasaun ho membru uitoan liu mak nain 5;

e) Iha nanis ona iha sira nia Estatutu sira órgaun internu ida atu supervizona hahalok kumpri tuir kódigu étika ba atividade jornalística sira ne'ebé aprova ona husi Reglamentu n.º ___/___

Artigu 32.º

Prezunsan naran ne'ebé uza

Direitu ba uza naran bele hare'e katak pertense ba ema ne'ebé rejistu halo iha nia naran

Artigu 33.º

Rejistu provizória no rejistu lolós (definitiva) sira

1 –Rejistu sira ne'e provizóriu ka lolos (definitiva).

2 –Rejistu ida provizóriu deit, no sai lolos (definitiva) wainhira hato'o ba Konsellu Imprensa, ho número mínimu membru asoiadu iha tempu liu tia fulan rua halao tia rejistu.

4 –Rejistu provizóriu sei mate karik la muda ba rejistu lolos (definitiva) wainhira nia prazu remata tuir fó sai iha n.º 2.

Artigu 34.º

Elementu sira rejistu nian

Sai nu'udar elementu sira rejistu nian:

a) Naran no sede organizaſaun nian;

b) Fatin ka sede organizaſaun nian;

c) Naran Prezidente, sekretáriu, tezoureira no membru tolu seluk husi órgaun adminstrasaun nian;

Artigu 35.º
Rekizitu sira husi Rekerimentu Rejistu nian

1 –Rekerimentu ba rejistu Organizasaun Jornalista no Organizasaun Komunikasaun Sosiál sira nian tenki iha elementu hotu ne'ebé temi iha artigu ida leten, hamutuk ho dokumentu sira tuir mai ne'e:

- a) Kópia sertidaun rejistu no estatutu sira;
- b) Kópia akta nomeasaun Prezidente, Sekretáriu, tezoureira no pelu menus membru tolu seluk tan Diresaun nian;
- c) Deklarasaun kompromisu atu respeita, no fó insentivu ba sira nia membru sira halo tuir Kódigu Étika.
- d) Dokumentu ne'ebé prienxe tia ona tuir Aneksu A diploma ida ne'e nian.

Artigu 36.º
La simu rejistu

Rejistu sei la simu wainhira:

- a) Rejistu ne'ebé atu halo iha ona ka la presiza halo rejistu;
- b) Naran husi Organizasaun ne'ebé hakarak rejistu ona ho ema seluk nia naran, ka fásil atu konfundi, tamba hakerek, ilas, lian ka liafuan ne'ebé atu hanesan ho ida ne'ebé rejistu ona;
- c) Rekerente laiha lejitimidade;
- d) Hahalok ne'e bele hamate;

Artigu 37.º
Alterasaun Sira ne'ebé mai ikus

1- Atu bele atualiza rejistu, Organizasaun Jornalista sira nian tenki hato'o ba rejistu alterasaun sira tuir mai ne'e, ne'ebé halo ikus:

- a) Alterasaun ba titulár ba kargu sira ne'ebé rejistu;
- b) Alterasaun ba fatin ka sede organizasaun nian;
- c) Alterasaun ba estatutu sira;

2 –Hapara provizóriu no hahú fila fali atividade sira Organizasaun Jornalista no Organizasaun Komunikaun Sosiál sira nian sei hato'o ba Konsellu Imprensa no sei arkiva;

3 - Tinan ida hafoin sira nia totál membru menus liu nain 10 Organizasaun Jornalista sira nian tenki kansela sira nia rejistu;

4 - Tinan ida hafoin sira nia totál membru la to'o 10% husi totál membru Órgaun Komunikaun Sosiál sira ne'ebé rejistu iha Konsellu Imprensa, Organizasaun Komunikaun Sosiál sira tenki kansela sira nia rejistu.

Artigu 38.º

Kanselamentu la oficiál husi rejistu Organizasaun Jornalista sira nian

1- Rejistu kansela la oficiál husi Konsellu Imprensa wainhira hetan koñesimentu kona-ba situasaun hanesan temi iha n.º3 no n.º 4 husi artigu iha leten.

2- Organizasaun Jornalista sira nian tenki mantéin rejistu internu ho kópia lisensa jornalista membru sira nian no amostra ida husi jornalista sira ne'e nia atividade.

DRAFT

Kapítulu VI

Dispozisaun Ikus no Tranzitória sira

Artigu 39.º

La halo tuir dever rejistu nian

1 –Sai ofensa adminstrativa ne'ebé bele hetan punisaun ho multa:

a) Husi USD\$500,00 a USD\$1.000,00 ba entidade sira ne'ebé la halo rejistu tuir termu sira regulamentu ida ne'e;

b) Husi USD\$500,00 a USD\$1.000,00 wainhira la fó notifikasaun kona-ba hapara provizória publikasaun;

2 –Neglijénsia bele hetan kastigu, ho nia limite a'as liu no ki'ik liu multa sira hamenus ba metade.

Artigu 40.º

Fiskalizasaun no kompeténsia

1 –Kompete ba Konsellu Imprensa halo fiskalizasaun ba lalaok tuir norma sira diploma ida ne'e nian.

2- Aplikasaun husi multa sira ne'ebé temi iha diploma ida ne'e sai kompeténsia Konsellu Imprensa nian.

DRAFT